

SHERIA NDOGO ZA

HALMASHAURI YA

WILAYA YA URAMBO

ZA MWAKA 2012

**SUBSIDIARY LEGISLATION**

to the Gazette of the United Republic of Tanzania No. 19 Vol. 93 dated 11<sup>th</sup> May, 2012

Printed by the Government Printer, Dar es Salaam by Order of Government

TANGAZO LA SERIKALI NA. 156 la tarehe 11/05/2012

**SHERIA YA FEDHA ZA SERIKALI ZA MITAA  
(SURA YA 290)**

**SHERIA NDOGO**

*(Zimetungwa chini ya Kifungu cha 7 (I) na 16 (I))*

SHERIA NDOGO ZA (USHURU WA MAZAO YA MISITU) (MAREKEBISHO) ZA  
HALMASHAURI YA WILAYA YA URAMBO ZA MWAKA 2012

Jina na  
mwanzo  
wa  
kutumika

1. Sheria Ndogo hizi zitajulikana kama Sheria Ndogo za (Ushuru wa Mazao ya Misitu) (Marekebisho) za Halmashauri ya Wilaya ya Urambo, 2012 na zitasomwa pamoja na Sheria Ndogo za (Ushuru wa Mazao ya Misitu), 1996 za Halmashauri ya Wilaya ya Urambo ambazo zitaaitwa Sheria Ndogo Kuu na zitaanza kutumika baada ya kutangazwa kwenye Gazeti la Serikali.

2. Sheria Ndogo Kuu inafanyiwa marekebisho kwa kuongeza viwango vya ushuru kama ilivyoainishwa kwenye Jedwali la Sheria Ndogo hizi:-

3. Sheria Ndogo Kuu inafanyiwa marekebisho katika kifungu cha makosa na adhabu kwa kuongeza makosa ya wakala ambacho kitasomeka kama ifuatavyo:-

Wakala yeyote aliyeteuliwa chini ya Sheria Ndogo hizi ambaye:-

*Sheria Ndogo za (Ushuru wa Mazao ya Misit) (Marekebicho) za Halmashauri ya Wilaya ya Urambo*

*Tangazo la Serikali No. 156 (lincendelea.)*

- (a) atashindwa kukusanya kiasi cha ushuru alichokadiriwa na Halmashauri;
- (b) atashindwa kuwasilisha kwa Halmashauri kiasi cha ushuru alichokusanya:

Atakuwa ametenda kosa na akipatikana na hatia atatozwa faini ya shilingi elfu hamsini (50,000) au kifungo cha miezi mitatu jela au adhabu zote mbili kwa pamoja yaani faini na kifungo.

JEDWALI

<i>Na.</i>	<i>Mazao</i>	<i>Aina ya Mazao</i>	<i>Kiasi cha Ushuru</i>
1.	Mpingo	Gogo	800/= kwa kila gogo
2.	Mninga	Silipa	800/= kwa kila silipa
3.	Mkasanda	Gogo	800/= kwa kila gogo
4.	Mkola	Silipa	800/= kwa kila silipa
5.	Mkasanda	Gogo	800/= kwa kila gogo
6.	Mkola	Silipa	800/= kwa kila gogo
7.	Mfundu	Silipa	800/= kwa kila gogo
8.	Mzinga	Mbao	200/= kwa kila mbao
9.	Mtundu	Mbao	200/= kwa kila mbao
10.	Mkaa	Gunia	100/= kwa kila gunia
11.	Rafia	Monde (fibre)	100/=
12.	Gundi		200/=
13.	Asai		1000/= kwa kilo
14.	Kibali cha Kuingia kwenye msitu kwa shughuli mbalimbali		1,500/=

*Sheria Ndogo za (Ushuru wa Mazao ya Misitū) (Marekebisho) za Halmashauri  
ya Wilaya ya Urambo*

*Tangazo la Serikali Ns. 156 (linaendelea.)*

Nembo ya Halmashauri ya Wilaya ya Urambo imebandikwa kwenye Sheria Ndogo hizi kufuatia azimio lililopitishwa kwenye kikao cha Baraza la Madiwani kilichofanyika tarehe 12 mwezi Agosti 2011 na nembo hiyo ilibandikwa mbele ya:-



JUSTUS M. MOLAI,  
*Mkurugenzi Mtendaji,  
Halmashauri ya Wilaya ya Urambo*

ADAM MALUNKWI,  
*Mwenyekiti,  
Halmashauri ya Wilaya ya Urambo*

NAKUBALI

Dodoma,  
21 Aprili, 2012

MIZENGO P. PINDA (MB.),  
*Waziri Mkuu*

TANGAZO LA SERIKALI NA. 157 la tarehe 11/05/2012

SHERIA ZA SERIKALI ZA MITAA (MAMLAKA ZA WILAYA)

(SURA 287)

## SHERIA NDOGO

*Zimetungwa chini ya kifungu cha 153*

SHERIA NDOGO ZA (USAFI WA MAZINGIRA) ZA HALMASHAURI YA WILAYA YA URAMBO, 2012

Jina na  
mwanzo wa  
kutumika

1. Sheria Ndogo hizi zitajulikana kama Sheria Ndogo za (Usafi wa Mazingira) za Halmashauri ya Wilaya ya Urambo za mwaka 2012 na zitaanza kutumika baada ya kuchapishwa kwenye Gazeti la Serikali.

Eneo la  
matumizi

2. Sheria Ndogo hizi zitatumika katika eneo lote la Halmashauri ya Wilaya ya Urambo.

Tafsiri

3. Katika Sheria Ndogo hizi isipokuwa itakapoelezwa vinginevyo:

“Afisa Muidhiniwa” maana yake ni Afisa Afya, Daktari wa Wilaya, Afisa Afya msaidizi, Afisa Mtendaji Kata, Mkuu wa Masoko na Afisa yeyote aliyeidhinishwa na Halmashauri kusimamia utekelezaji wa Sheria Ndogo hizi.

“Chakula” maana yake ni kitu chochote kinacholiwa au kunywewa na binadamu isipokuwa madawa hii ni pamoja na:-

(a) kitu chochote kinachotumika katika matengenezo ya chakula.

(b) kitu chochote kinachoongeza ladha ya chakula.

(c) kitu chochote kinachobadili rangi ya chakula (binzari n.k.)

“Choo” maana yake ni chumba maalum ambacho kimejengwa na kwa ajili ya kuhifadhi kinyesi cha binadamu.

“Eneo lililo wazi” maana yake ni eneo lililochini ya Halmashauri ya Manispaa ambalo limekatazwa kufanyia shughuli ambayo haihusiani na matumizi yaliyokusudiwa.

“Halmashauri” maana yake ni Halmashauri ya Wilaya ya Urambo.

“Kero” maana yake ni kitu chochote ambacho kipo katika hali

yoyote au kinatumika, au kimewekwa, kimejengwa au ni kichafu kiasi cha kusababisha:-

- (a) hatari kwa viumbe au maisha ya wanadamu;
- (b) harufu mbaya yenye kuudhi;
- (c) magonjwa kwa binadamu, kuhifadhi mbu, inzi, panya na viumbe wenye madhara.

“Mkazi” maana yake ni raia wa Tanzania ambaye kwa kawaida anaishi kwenye eneo lililoko chini ya Mamlaka ya Halmashauri na ambaye ama ana kaya au anaishi katika kaya au taasisi iliyopo katika eneo la Halmashauri.

“Mkurugenzi” maana yake ni Mkurugenzi wa Halmashauri ya Wilaya ya Urambo pamoja na Afisa yeyote wa umma atakayeteuliwa kutekeleza majukumu ya Mkurugenzi.

“Majani” maana yake ni majani yote marefu, vichaka vyenye urefu wa sentimeta 15 au zaidi vinavyopatikana sehemu yeyote ndani ya Halmashauri ya Manispaa, hii ni pamoja na mazao marefu yanayolimwa kando ya barabara.

“Maji taka” kama ilivyo katika Sheria ya usimamizi wa Mazingira Na. 20 ya Mwaka 2004 ni pamoja na taka zinazotokana na kinyesi, mkojo na jasho, uchafu wa majimaji kutoka majumbani, taasisi, majengo ya biashara na viwandani;

“Mabomba ya maji machafu” maana yake ni mabomba yanayotumika kuchukua maji machafu kutoka majumbani au kwenye mifereji ya maji machafu au ya mvua ni pamoja na bomba lolote lililo wazi linaloweza kupitisha maji machafu au ya mvua.

“Taka” kama ilivyo katika Sheria ya usimamizi wa mazingira ya Mwaka 2004 maana yake ni kitu chochote kimiminika, kigumu, gesi na mionzi, kinachotoa harufu mbaya, au kilichohifadhiwa katika mazingira ya hali ya ujazo, uozo au hali nyingine yoyote inayosababisha uharibifu wa mazingira, ambayo inajumuisha taka;

“Usafi wa Mazingira” maana yake ni usafi wa mazingira yanayozunguka binadamu kuwa katika hali isiyoweza kuleta madhara kwake na wengine, hii ni pamoja na Maji, Miti, hewa, ardhi na wanyama pamoja na viumbe visivyo hai kama vile nyumba.

“Vyanzo vya maji” maana yake ni maziwa, mabwawa, visima vya aina zote chemichemi na mito.

Wajibu wa wakazi

4.-(1) Itakuwa ni wajibu wa kila mwenye nyumba au mpangaji kuhakikisha kwamba:-

- (a) mazingira yanayozunguka eneo la nyumba yake

*Sheria Ndogo za (Usafi wa Mazingira) za Halmashauri ya Wilaya ya Urambo*

*Tangazo la Serikoli Na. 157 (linaendelea)*

yanakuwa safi wakati wote.

- (b) takataka au uchafu wowote zinakusanywa na kufukiwa au kuondolewa kwa njia itakayoelekezwa na Halmashauri.
- (c) anajenga choo imara chenye upana wa futi 4 kwa 4 kilichojengwa kwa matofali na kuzekwa kwa bati au nyasi na kinachotumika muda wote.
- (d) anaifanyia nyumba yake matengenezo mara moja inapokuwa imeharibika.
- (e) eneo lake analofanyia biashara liko katika hali ya usafi.
- (f) eneo linafomzunguka haiina mazalia ya mbu.

(2) Itakuwa ni kosa kwa mtu yeyote kumwaga takataka za aina yoyote katika Mtaa, uchochoro au mahali popote hadharani au katika eneo lolote la wazi bila idhini ya Halmashauri.

(3) Itakuwa ni wajibu wa kila mkazi kuhakikisha kwamba majani yanayozunguka nyumba yake yanakatwa na kufanya usafi katika eneo lake mara kwa mara.

Uwezo wa  
Afisa  
Mwidhiniwa

5. Afisa Mwidhiniwa atakuwa na uwezo wa kuingia katika jengo lolote ndani ya Halmashauri ili kukagua kama kuna kero yoyote na kumtaka mtu anayehusika na kero hiyo kuiondoa katika muda atakaopewa na Afisa Mwidhiniwa.

Wajibu wa  
wahudumu  
kupima alya

6. Itakuwa ni wajibu wa kila mhudumu wa hoteli, migahawa, baa, nyumba za kulala wageni, bucha, waoka mikate, au watu wanaoshughulika na kuuza vyakula vilivyopikwa kuhakikisha kwamba wanapima afya zao mara moja kila baada ya miezi sita pamoja na kuwa na kibali cha Halmashauri kinachomruhusu kuendesha biashara hiyo.

Maji taka

7. Ni marufuku kwa mtu yeyote kuacha shimo la maji machafu wazi au kumwaga maji, au taka, kutapisha ama kuruhusu kumwaga au kutapisha au kuruhusu kufurika choo, karo, septic tank, soakage pit, cepool, au kuruhusu kupasuka au kuziba bomba la maji taka toka ndani ya nyumba na kuyatiririsha kwenye barabara, njia, kichaka, eneo la burudani ama sehemu nyingine isiyokusudiwa.

Wajibu wa  
kutoa taarifa  
za magonjwa  
au na vifo

8.-(1) Itakuwa ni wajibu wa kila mtu atakayekuwa na habari au mashaka ya mtu kuugua ugonjwa usiokuwa wa kawaida au ugonjwa unaosababisha kifo kutoa taarifa kwa Mkurugenzi au Mganga Mkuu au Afisa aliyeidhinishwa.